

Na enka ukuarhijka distritación electoral ixú México

México iamindu k'uiripuecha enkaksí andakutakia tembini iumu tanimu uéxurhini erakuntasíndiksí imeri jurhamutichani o nemanka uadapikuaauaka juramukuarhu. I xasí nitakua marhoasíndi ka xarhatasíndi eskajchi juchá usínka sesi pakatperhani, terukutani tachanku isi eratsíkuechani ka isi uni erakuani jurhamutichani, i jindesti enkaksí turhísí jimbó arhijka democracia representativa ka arhukurintasíndi i juramukuecha enka jindeka Poder Ejecutivo, Poder Legislativo ka Poder Judicial. Poder Legislativo jindesti imá nanímankasí uandóntskuarijka, ka arhíjperukua jatsíni ka jaiápanhentani jurhamukuechani enka ukuariaka juchari país jimbó; ka jiminksí jarhasti diputado ka senador arhíkatecha. Diputadoecha jindesti enkaksí urhejtsíkujka jurhamukuani Congreso de la Unión ka indeksí erakunhantasíndi mandani tanimu uéxurhini.

Democracia ma eska na eráatakata jaka México juchari voto arhíkata majkueni jukaparasti, ts'ueriti o maríkuecheri. Para jukapararhani indeni ukuani, enkaksí erakuantauaka Diputaduechani iamindu echeri enka jaka umbákukuecha ka iretecha arhukurintasíndi inde jasí arhínasíndi: áreas geográficas electorales que ts'ndeksí jatsíati para majkueni xani uani k'uiripu irekani indeni umbakukuarhu. Isí mandani Diputaduecha uáti urhéjtsíkuni majkueni xani k'uiripuechani. Iksí arhujtantskatecha arhíkuarisíndi distritos electorales, ka uatiksí mámarhu jarani, sapirani o k'erani, joperhu eska k'uiripuecha enka jimini irékaka, eskaksí májkueni uániuaka i namunituni eska máterhu arhujtantskata.

Constitución Política de los Estados Unidos Mexicanos jatsírasti ka uandásti eskana iamundu úmbakukua enka jaka uaxastakata territorio nacional arhúkurintasíndi 300 distritos, indeni distrito arhíkataecharhu erákunhantasíndi ma diputadu federalini, istu constituciónpolitica mandani entidad federal arhísíndi eskana diputadu local o jurhamuti enkaksí urhejtsíkujka congreso estadurhu electorales.

¿Ambeski distrito electoral?

Distrito electoral ma jindesti nanimanka jamberi arhukurijka iretecha, umbakukuecha enkaksí erakuntajka, eska k'uiripuecha enka indeni iretecharhu irekaka májkueni xani uaniuaka isí erhanhasparini eska inde k'uiripuecha uaka erhakuantani imeri juramutichani eska na jindeka diputadu, na uejki xani uanikuenani joperhu indeksí diputadu arhíkatecha urhejtsíkuati majkueni xani uani k'uiripuni umbakukuarhu anapuechani.

¿Ambeski distribución electoral?

Distribución electoral jindesti niatakua ma enka újka Instituto Nacional Electoral (INE) indé ts'ejkusíndi naníka naní jamberi ua arukurhini umbakukuecha uapatsíkuecha ka iretecha iamindu enkaksí jaka nivel federal o mandani arhini entidad federal arhikata.

¿Para ambé maruasini?


Marhoasíndi para uni sesi etsákuani ka arhúnguarhini k'uiripuechani mandani distrito electoral arhíkataecharhu ka isíksí uni jatsíni urhejtsíkurihini ma interhu úmbakukuarhu enka jindeka territorio nacional, ka isíksí uni eska juchari votu majkueni jukaparaka.

¿Andisí uetarhijki uni distribución electoral?

Distribución arhíkata uetarisíndi jimboka iretecha, umbákukuecha ka uapatsíkuecharhu menku mojtakurini jarhasíndi, maruksí andájpínurhasíndi ka maru k'uiripuecha uarhínasíndi ka máteruecha nirasíndi tamu isi irekani, inde ambe usíndi eska naní namunitunaka o naní sánderhu uánikueni ka isi no terúkuni juchari umbakukuecha, jimbosí uetarhini jarhajtí exeni indeni arhújtantskatarhu enka ukuarini jarhajka juchari umbakukuecharhu eska májkueni xani uáninaka.

¿Nena jasíksí ua ini distribución?

Paraksí uni ts'ejkuni ka exenksí nena jasí uni ini distrito electoral arhíkatechani, jankuariatíksí exeni eska mandani arhini iretecha o umbakukuecha enka k'uiripu irekaka, eskaksí májkueni xani uániuaka, eska p'indakuarhikuecha arukuariaka uapatsíkuecha jimbo, májkuenksí jarani, eska jauka xanarhu enka uaka motsítarakua ambe jamani ka jarhani uandajpitarakua como teléfono ka máterhu jasí uandájpitarakua o aíánpetarhakua, eranaskaparini eska nomambe japirinka enka kuajkutapirinka ini ánychikuaritani, istu májkuenksí jarhani ireta p'urhé uandaricha ka isí uni jarhoajpeni, ka andaparakurani.



¿Na jatini ka nenaksī ua?

2016 ka 2017 uéxurhini jimbó INE arhíkata uáti distritación federal (iamindu país) ka istu distritación local (estado) enka jindeka Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco, ka Yucatán.

Mandani arhini entidad federativa arhikatarhu ukuariatiksī tankuarikuecha enka INE xarataka proyecto de distritación electoral arhíkata, jimaksī jauati institución arhíkatecha, k'umanchikua enka ánychikuarhijka p'urhéecheri uandaniatechani kuajpeaka o ánychitani mámarhu jasī niatakua ambe, istu partidos políticos, juramuti juchari estado jimbo anapu, ka p'indakuarikuvarhu anapuecha, diputado local ka juramuti electoral ixú estado juchari jimbo anapu.

I xasī ánychikuarita ambe úkuarini jauati imani iretecharhu enkaksī p'urhéeka o comunidades indígenas, INE uáti consulta arhíkata ma (kuramarperata) juchari iretecharhu, isīkksī uáti inde jurhamukua míteni na eratsīsinasīni o na uandanasīni juchari iretecharhu, nena uekapirhini juchari iretecha eska úkuaripirhinka inde xasī ánychikuarita ambe, nena sánderhu sesi japirini o pakarapini inde arujtantskata enska na jindeka distritos electorales o naníksī uekapirini eska pakarapirinka cabeceras distritales arhíkatecha.

¿Néecha ua andáparakurhani?

Uatiksī andáparakurhani ini tankuarhikuecharhu ima enkaksī uréjtsīkujka partidos políticos, juramuti estatal ka municipal, diputado local juramuti electoral local ka federal, juramuti o k'uiripuecha enkaksī uréjtsīkujka k'ujajpeni ireta p'urhépecha o pueblos indígenas ka istu iamindu k'uiripuni.

¿Ná jatini ka nénaksī ua kuramarperatani “consulta” arhíkata?

Tankuarhikuecha enkaksī jauaka juchari k'uiripu, enkaksī uaka uandapikuvarhini o erátsīkua ambe xaratani, jindeka “foros ciudadanos” ukuaritiksī mesas informativas, jimaksī aiánkuantani jauati juramutichani enkaksī urejtsīkujka juchari iretechani, istu iamindu iretechani enkaksī jaka uaxastakata entidad federativarhu. Ini tankuarikuvarhu kúnkuarintatiksī ka xaratatiksī nena enkaksī uni ini ánychikuaritani paraksī tanturiantani ka kuntani ireta p'urhéechani “pueblos indígenas” májku distrito electoral jimbo ka aiánkpeatiksī ka isi jucha uni uandani o erátsīni ka jarhoani pakatperani nena o naní na sánderhu sesi pakarapirhini inde ánychikuarita ka inde jurhamuti electoral arhíkatecha isi mítitni jarhani.

Tats'ikuaksí juramuticha ekaksí urhejtsíkujka juchari ireta p'urhéechani "pueblos indígenas" axátiksí ambemankaksí ts'imá eráparakuntaka INE arhíkatani tankuarikuarhu enkaksí jatsíni jauaka imeri umbákukuarhu uáratini o istu tankuarhikua distrital mandani entidad arhíkatarhu uératini, cabecera distrital.

Eska na ukuariakiá iamindu ambe enka uetarijka para uni distribución electoral ka kuramarperata "consulta" INE mítitarkuarhini jauati iretecharhu ka iamindu k'uiripuni na enka pakarakiá inde arujtanskatecha "distribución electoral" distribución local ka tats'ikuaksí uati indeni máterhu niatakuani o áchikuaritani enka jindeka distribución federal.

Para uni iamindu ambe sesi ukuarhini kurhámarperhata o consulta arhíkata juchari iretecharhu INE kurhajkuariati jarhoajperakua máterhu juramukua o institución arhíkatecha enka na jindeka INALI Instituto Nacional de Lenguas Indígenas ka istu Comisión Nacional para el desarrollo de los Pueblos Indígenas CDI.

¿Néecha ua jarhoajpini ka adáparakurhani kurhámarperakuarhu o consulta?

Iamindu ireta ka umbákukuecha enka p'urhépecha uandanajka "pueblos indígenas", imecheri juramuti urhéjtsíkuticha o uadápítiticha.

¡Kurhánkuari! Enkaksí iaminducha jarhóajpiaka sánderuksí uánintasínka ka sesi ambe uérati ixú México, ¡andáparhaku!